

宋詩紀事補遺

宋詩紀事補遺卷之四十一

歸安陸心源

伯剛父輯

錢億年字伯壽適之孫紹興初以蔭入仕乾道初  
以右朝散大夫致仕五年落致仕除利路提點  
刑獄不果上淳熙甲辰轉朝議大夫卒年八十  
有五著有雲巢詩集

和唐子固見寄初冬晚步韻

淒風滿寒谷廣陌照落日繁霜排草岸厄瘁怯寒慄  
塊坐閱殘編十日九不出時爲孤憤吟嗟嗟類蟋蟀  
歧路多阻艱烟霞成痼疾保是千金軀他慕無終畢

遠覽塵垢外無得初無失溺忘膠復開跼信匪一  
阮生亦有言何異祖中風呼童洗破觥一醉真可必  
耳熱卽嗚嗚鄙野誰訶詰歌莫予知奚用聆清瑟

重陽

商飈驚秀水松桂不受秋萸菊有光輝芬芳滿金甌  
古來賢達人逢時聊解憂龍山孟參軍落帽初不羞  
束籬陶徵士得酒更何求若人不常有至今稱風流  
節物自爾殊生滅同一漚浮世夢幻身適意是良謀  
山翁未嘗樂而亦未嘗愁吾獨可奈何任渠自悠悠

避暑椒山呈潘師清

涼風生層巒炎日遮疊嶂我來茲地遊心焉樂清曠  
爲吏卽華顛愧臨士民上老醜畏近人筋骸非少壯  
知止遠卑辱奚敢謂高尚齷齪方自持良心未容放  
促柱有繁音龍晤無清唱郤暑御絲絰自修終弭謗  
居間無適莫且免榮重恙俯仰心不慚無言亦疎暢

次太守李侍郎和郡博士包文芍藥韻

栽花未免惜花殘忙裏應須護小欄何似長松與修  
竹不妨耐久靜中看

艷草妖花理易殘無勞太息撫雕欄終年廢盡壅培  
力能共樽前幾日看

呈盛逢時

倦翮知還心已休無窮世事懶回頭是非不屬閒人  
耳月自當空水自流

次遊玉虛洞韻

茂松脩竹晝陰陰澗水幽流一徑深未必山中無外  
事須知靜躁總因心

敬卿錄

李鼐

字仲鎮號懶窩宣城人紹興初官都昌尉工詞  
章與蕭之敏唱和見省齋集累官迪功郎淮西  
安撫使準備差遣見南澗甲乙稿

送修書記遊天台

塵事日敗人筋力隨以勞三年梁溪上俯仰如桔槔  
窮巷躬水菽杜門匪禪逃修公嵒壑人臭味合我曹  
閒從茗盃集有往不待招清芬落淨几宴坐揮霜毫  
脫畧畦畛外寂寞期久要春風草離離飛花照方袍  
朝來遽別我明月挂一包笑指天台雲意氣東南高  
去夫不可挽獨鶴鳴九臯會看精進力覺性一宿超  
全提法王法眾說障奔濤大千廓沙界體現無絲毫  
異時藥山偈問道懸非翹天台  
別編

宋輝

敏求之後紹興初以朝議大夫直龍圖閣發運  
副使除直秘閣知臨安府九年中散大夫祕閣  
修撰京西路轉運副使充天府路轉運副使兼  
提刑見繫年要錄臨安志

次唐彥猷顧亭林韻

昔時高士宅今日梵王居棲影銜山遠鐘聲隔岸疎  
風流嗟往事精來闕遺墟回首烏衣巷凋零兵火餘  
嘉禾志

曾幾厲有

謁靈康廟

玉霄峰外海西頭，卽是襄翁所領州。  
雲水茫茫長發興，春山疊疊未生愁。  
舊時英物餘千載，勝地叢祠尚一丘。  
苦雨淒風莫爲祟，與君同樂亦同憂。

登玉霄亭

老病君恩付赤城，瘦筇扶上玉霄亭。  
懸知地接溟溟海，坐見天橫雨雨星。  
作賦興公虛想像，謫官司戶實飄零。  
蓑翁何幸分符竹，一覽東吳未了青天台  
別編。

寒食日遊東湖

官朝顏狀滿塵埃，負郭陂湖眼爲開。  
春色少留如過客，賞心多病只寒灰。  
黃童白叟喜相告，皂蓋朱旛能

一來日暮遊人歸去盡沙邊鷗鷺與徘徊

戲作盆池四於和清堂

陂湖春盡水茫茫收拾波濤入小塘睡起微涼馥荷氣雨餘斜日麗萍光聊爲堂下龜魚主少退階前雁

鶩行只欠盆山數峯在並持草樹作青蒼

天台別編

中秋登玉霄亭翫月

玉露金波不可孤瞻相今夕定何如氛埃未淨雨湔洗陰翳小留風掃除丹桂看來能了了白榆種得許疎疎一壺濁酒非難事未有新詩報答渠

天台別編

將適台州

風林何許着驚禽惟有台州舊所臨避地妻孥雖在  
眼藏山文字却關心維揚大將今城固建業名臣天  
塹深說與單于歸去好長淮邊是殺胡林

天台別編

案以上諸詩茶山集失收

曾 惜 腹 有

分繡閣

洪景伯倅  
新建

治中妙言語洪濤瀉詞源向來羣玉府垂上紫微垣  
佐羣滄海傍鸞軒望朝暾便欲乘輕車長歌登崑崙  
茲樓何縹渺千岩靄雲屯庭空百吏散博山炷微薰  
重尋羨門輩仙事渺無垠何如對妙高舉手招德雲

清閟堂

洪郎雅吳語不減賀季真開軒風烟上爽氣朝朝新  
手栽渭川竹坐對北山尊平生耐久朋歲晚獨此君  
此君不可疎亦復未易親紛紛桃李行豈容託清塵  
退食靜隱几微風冷衣巾乃知王子猷定是我輩人

次韻朱知裁少卿見貽二首

丹丘山水窟中有如斗城地迥鳥不喧一葉動亦驚  
閉門有勝士學道師廣成翛然卧環堵六印一縷輕  
脫非玄真子疑卽坐忘生姓名存丹臺宦問月旦評  
小試未軒翥襍被辭漢廷肯令蓮社流坐歎草堂靈

要當酌家釀酒色粲碧瑛

少陵臥窮巷作詩嘆秋雨坐令馬羣空真欲洗萬古  
乃知筆有神盜復慙思阻此翁已仙去上界足官府  
下視五濁世正自一塵聚後學如秋蟬聒耳了無取  
月卿折檻後傳家有儀矩織成錦繡段宮商寄鳴杼  
追還正始音雅頌繼皇武卽今風騷將僅可一二數  
豈伊塵滓人得此百世士心源忽湛然對面識諸祖  
何時登妙高厯險歎跼躅便可咤善才室中聞密語

題謝景思少卿藥寮二首

先生數畝園種药一何盛了知醫國手元自諳药性

愚溪植仙毗服食每自信伏波收薏苡初不避讒柄  
牛渡馬渤輩並蓄用必慎我知若人心欲了世間病  
君非山中相疑卽旬漏令問訊紫金丹刀圭宜有贈  
維摩示清羸宴坐丈室中靜觀世上人百邪所交攻  
我有一丸药得之無是公人人各安樂淡然心地空

脫復未辨此濟物存陰功南山千歲苓託根萬丈松  
下有青青草其名爲救窮願君時舉手採取置藥籠

次韻李舉之玉霄亭

新亭崛起最高峯無數遙岑翠掃空恐有謝公留屐  
齒爲開摩詰畫屏風倚江楊柳自高下照水杏花能

白紅正欠渭川千畝竹清陰分借賴鄰翁  
亭據城央一徑開仍標蘭芷出蒿萊諸峯合沓雲邊  
出大舶岢峩海上來已辦酒池供倒醉可無舞袖看  
低回風烟正賴君彈壓時遣詩鋒爲剽裁

東湖懷賀子忱

不負春風爛熳晴聊驅小隊出郊坰一百五日可無  
酒二十四絃須細聽溶溶漾漾沙鳥白短短長長溪  
柳青賀鑑扁舟在何許惜無妙墨記蘭亭

丹丘諸先輩被荐書越試南宮郡守曾憮旣  
大合樂祖其行復成小詩歌以送之

夜窗幾歲聚寒螢  
一日秋闌較藝精  
不但春秋明古義  
雅如月旦著鄉評  
毫端臘掃三千牘  
雲路方期九萬程  
三郡看魁天下士  
丹丘應未墜家聲

江南野步簡賀子忱蔡瞻明

步屐溪南採野梅  
衝寒仍與故人來  
竹邊嫩蕊爲誰好  
雪後惡雲今日開  
照夜牘修月戶惜花須築避風臺  
中郎華髮殊堪酒  
更挽稽山賀監回

次韻景伯寵示勸農新什

奉詔東郊宣主恩  
如雲和氣藹生春  
仙舟偶共元禮載  
官舍仍依王翰鄰  
忽有新詩驚老眼  
慚無惠化及

斯人半生不分微官縛蛩晚故溪歸釣綸

題桐柏石道士院妙聲堂

門外千峯翠作堆道人名籍在丹臺是非榮辱俱休  
間只放泉聲入耳來

洪景伯飲諸丈分繡閣以詩戲之

新營小閣面孱顏領客開尊紫翠間千里畫圖供徙  
倚一時名勝喜躋攀好風已破晚來暑小雨不遮湖  
上山老子箇中殊不淺尙堪同醉看弓彎

天台別編

南城

麻姑岩堯青插天瀑泉奔騰千仞懸星壇突兀倚絕

壁平原太師有銘鐫神人已去一千歲諸峯尙作翔  
鸞勢輿地紀勝

題一相菴

滿山松竹翠成林  
鬢前身舊所臨  
不分雙岩殺風景  
他年蠟屐再幽尋

天台別編

東湖懷洪景伯

東湖徑曲半蒼苔  
間訊紅蕖幾許開  
渺渺波光侵坐席  
霏霏荷氣着尊罍  
片雲再爲詩情起  
好雨更將涼意來  
別乘朝來知健否  
頗思劇飲均蓮臺

天台別編

次洪景伯賜雪應祈詩韻

午夜奔騰玉馬飛春前臘後未爲遲正怜灞上詩無  
繼似與山陰客有期搖蕩江花迷遠渚埋藏海嶠失  
多奇誰人作句催端木清絕台州別駕詩

天台別編

曾用孫

黃州守憲之子

赤壁

白浪高於屋風回熨貼平周郎呼不醒久立聽江聲  
輿地紀勝曾宏甫爲守有子日用孫九歲作此詩

謝黻

字彥章紹武人紹興元年進士累官吏部郎中

終太常少卿

鳳山

高臺伊昔來鳳凰於今鳳去臺亦荒蒼蒼竹實有霜  
露颯颯梧葉生秋涼西風斜日閒晴色閒步瑤臺訪  
仙蹟道人誦罷蘊珠經老鶴一聲山月白

東山

東山亦何高他山不足論其間有九日乃是人所珍  
時與我數友登高看嶙峋悠然看黃鵠飛及下山雲  
我友今年歸寂寂車馬塵問言家何許正與此山隣  
想爲携蠟屐自往窮朝夕斯游孰可陪有意徒殷勤

門前一溪水清澈多遊鱗安得尺素書問訊情所覩  
邵武府志

何熙志

龍游人紹興初進士晁公武薦爲御史臺檢法  
題錦江院

拓開天外無窮景望盡坤維到處山

輿地紀勝

九頂山

一山九頂燈常現六月三峩雪未消

又

廣安

欲說賓城好先誇方物妍金羹

謂鴨也收稻後紅腊蠟

謂蠟

內落梅前照座梨偏紫堆盤荔更鮮又

王晞鳴

字季明初名晞亮避金主亮諱改名鳴亮死復原名福建莆田人紹興元年進士累官敕令所刪定官權太常博士足不至秦檜門檜銜之嗾其黨李文會劾亮陰附趙鼎僞造異說罷爲福建安撫使幹官二十六年檜死召爲國子丞遷吏部員外郎終祕閣修撰

句

懷玉後琵琶台灣水帶山歌蘸帽送江聲輿地紀勝

歸隱寺

紅塵紫陌江聲外綠嶂青嵐書几間

又

劉柒

肩有

題惠眾院

雲迷鳥道嶺重重松竹深藏釋子宮戎馬不曾來爾  
界太平元在亂山中

天台別編

至石橋夜半風雨大作

方廣卽真華藏界自他不隔一毫端龐眉大士常相  
見猛雨豪風漫作難

天台別編

孫知微

紹興元年通判舒州賊劉忠入其境執以去知  
徽不屈忠鬻食之附見宋史鄭振傳

上清宮

臺殿壓平青嶂頂松杉插破白雲根

輿地紀勝

唐皞

紹興元年無錫縣尉撰陽山顯應潭記

題安陽山翠微寺

平地巍峩起一峯歷山西畔滆湖東勢侵雲漢千尋  
直影落烟村四面同龍窟正當螺髻頂僧居端坐畫  
屏中邦人不獨資觀賞旱歲爲霖更有功

毗陵志

陳中

莆田人紹興二年進士

羅叢巖

巒巒山光映團團樹影重斷猿啼午夜孤鶴唳秋風

潮州府志

壺公山

深澗無人草自班獨隨流水入深山隔林嵐氣青烟潤滿地松陰白晝閑埜鳥聽經當戶入洞龍帶雨白天還登高試望莆田景一騎斜陽晚度關

莆田縣志

汪 勃

字彥及，黟人。紹興二年進士，厯官簽書樞密院

事封新安郡侯。與秦檜不合，罷追復龍圖閣學

上志見墓宋史附見汪綱傳

杼峯

夏后峰前思盛業，魯公亭畔憶孤忠。吳興勝地東南會，震澤岡山在眼中。

新安文獻志

王克遜

人年進士轉運副使

金泉寺

沖虛蟬屣世，綿綿勝地人。來尙凜然不見彩雲迎皓

鶴空留怪石漱清泉

輿地紀勝

鄒愬禮

字和仲新淦人紹興二年中湖南北第一授宜春  
法曹開軒種竹以自娛善書得顏柳法人皆寶  
之有北窗集

題竹

疎直拙依附清高無匹儕

新淦縣志人物

范彥輝

福建甌寧人歸安籍紹興二年進士二十一年  
將作監主簿面對言催科專事侵偷上戶則敦

請赴縣而科借之中戶不與科借則令再納細民則搜刷丁錢另立名目入老不除望申戒監司郡守檢察從之累官大理寺丞左朝奉太常常寺丞二十三年坐作夏日久陰詩謗訕除名勒停見繫年要錄卷一百六十五

夏日久陰

何當日月明痛洗蒼生病

李衡

屬有

研花箋

三月江南花滿枝風輕簾幙燕初飛游人休借夜秉

燭楊柳陰濃春正歸

崔嵬霜降欲凌雲俯映寒梢數尺春須信蒼然明信  
老坐中客有散花人

吳都文粹續集

周播

蘇州人一作秦州人紹興二年進士孝宗時知蕪湖縣

定林寺

定巖坐聽松聲好德水行穿竹影斜無限世間幽絕  
處天公分付與僧家

建康志

彭延年

海陽人紹興三年特奏名

浦口邨居好

存二五首

浦口邨居好柴門鎮日局晴嵐深染翠寒筍嫩抽青  
酒筆驅吟倦林風引睡醒東風清泚泚待創碧蓮亭  
浦口邨居好憑高望處賒稻田千萬頃農舍兩三家  
樵路通雲磴溪船放蓼花太平無事日處處盡桑麻

潮州府志

劉  
僕

一作侯明州人紹興三年進士

橫山道中四首

桐林老子俗情無覽勝探奇不覺晡幸爾清溪好明  
月如行四十里冰壺

一溪徑險僕夫劬三酌油油醉筍輿隔岸火焱三四  
點不知誰照夜灘魚

五更一霎清明雨曉霧梨花夢白雲半嶺肩輿猶兀  
兀一杯卯酒尙曛曛

大小萬竹望不見上下牢巖過若飛紅紫舞衣山鄆  
躅白裁玉版野薔薇奉化縣志

聞人武子

厲有

丁角暮春

綠葉成陰春已歸茅簷相對兩斜暉殘花且插春事  
急別酒欲酌歌聲微黃鳥忿忿隔林語楊花款款沾  
人衣人間一別春常好過我漁舟果是非

嘉定鎮江志卷二十

李若虛

廣平人若水之兄紹興三年右承務郎守司農  
寺丞五年右宣義郎湖北西招討使司參議  
官提舉京西南路常平茶鹽公事六年擢荆湖  
北路運判軍器監丞

繫年要錄八年軍器少監司農

少卿九年右通直郎尚書戶部員外郎見鄭剛

中北山集及涪溪石刻

紹興五年五月過涪溪觀中興磨崖因成一絕

元顏文字照涪溪鬼物于今常護持崖邊尙有堪磨  
處留刻中興第二碑湖南通志

李良臣

綿竹人紹興三年左承議郎張浚帥蜀辟爲提點降賜庫繫年要錄八年工部員外郎知簡州

簡州

簡州何處景最佳東溪清絕人最誇輿地紀勝

張志行

字公澤東陽人嘗閉戶讀書默識經史就試酒  
洒萬餘言直陳時政得失不合於執政遂歸紹  
興三年賜號沖素處士所著有易傳撮要史釋  
及東陽十勒等歌邑人許復道序之

邑宰同遊峴峯

勝境追遊豈易尋公餘喜得共登臨攀蘿縹紗雲霄  
興夾道琮琤玉石音置酒但教呼我輩題名何必刻  
碑陰藍輿歸去敲明月盛集應堪繼竹林

東陽縣志

吳振

江西人紹興四年解試

題招提院靜照堂

古刹深沈一水邊清虛疑是翠微間門前袞袞紅塵  
鬧堂上修修白日閒燕坐不知增夏臘冥心安在更  
雲山靜中別有真消息於此誰何合往還嘉禾志

劉昉

字少卿潮陽人紹興四年以薦對除宗正丞歷  
知贛州○又一人海陽人宣和六年進士龍圖

閣直學士湖南安撫使

題玉泉

隋物尙餘雙鼎在唐人猶有八詩傳輿地紀勝

趙思誠

紹興四年十一月以左朝散郎充徽猷閣待制

知台州十二月提舉江州太平觀見赤城志累

官中書舍人見張綱華陽集終于寶文閣待制

提舉江州太平觀紹興十七年卒見要錄

建炎丞相成國呂忠穆公退老堂詩

抗章敢避公槐位卜築千巖紫翠間園鎖幽深侶仙境堂開華麗遠塵寰貂冠虎騎榮新寵雲閣瓊臺許暫閑帷幄謀謀待元老未容高蹈占東山

經濟奇謀有祖風渭川卜獵舊非熊風雲遇會千齡  
運社稷扶傾萬世功偃息郊園酬雅志諮詢廟算簡  
清衷更須整頓乾坤了綠野歸來効晉公

天台別編

鄭弼

紹興四年入內東頭供奉官直睿思殿常從張  
浚出師閩州歸至常山辱縣令汪禹錫令訴御  
史台詔守臣謝克家究實貶秩二等復與李廙  
並赴韓世忠私第會飲坐交通主兵官抵罪俄  
又轉敷武郎出監宣州商稅

定光南安巖

石聳雲巖接太虛百千年稱定光居未知天上何方  
有應是人間別地無

又

香風影裏迎新魄梵唄聲中見落暉自恨勞生名利  
役不能來此共忘機

路入雲山幾萬層豁然巖宇勢崢嶸地從物外塵囂  
斷天到壺中日月長

輿地紀勝

陳良翰

字邦彥公輔族子紹興五年進士知瑞安縣累  
官左司諫出知建甯府以敷文閣直學士奉祠

李謐獻簡

三聖殿

巨鎮標閩越靈蹤肇晉齊空壇仙一上古洞佛雙棲  
化石龜猶在燒丹井已迷塵襟誰復悟惟聽曉猿啼  
三山志

汪若容

字正夫歙縣人紹興五年進士官至將作監丞

有集三十卷

見墓志

程倅春行

綠楊芳草正留連急雨催詩溼錦韁野老不知行樂

意背人無語自耕田

新安文獻志

謝鳳

字彥陽歙人紹興五年進士建昌軍教授

一作泉州

入

遊黃山

歷覽岩巒接斗牛巖排雲樹翠陰稠風生藥臼清香遠日照丹巖紫氣浮仙樂有聲聞晝夜靈泉無火沸春秋猶多奇絕應難到聊寫新詩紀勝遊

黃山志

張行

金堂人紹興五年進士

贈北巖院僧

缺山得雲居子隆缺有待者口請如掃清狐兔窟鑄出黃金口放開眉光陞寶坐灑大法雨遍閣浮金石苑

孫仲鰲

字道人永嘉人紹興五年進士厯官太學正秘書省正字擢校書郎司封司勳員外郎國子司業紹興二十二年充賀金正旦使爲李光客送王之望知荆門

綵川紫岫洗詩愁朱橘白魚供飲痛輿地紀勝

黃熙

南海人紹興五年進士累知新興縣韶州推官  
胡寅斐然集有送熙赴韶州推官詩

歸州

放逐臣之常胡爲乎汨江不先於楚死未免作秦降  
輿地紀勝

謝用賓

祁陽人紹興五年特科進士官橫州法曹尋歸  
隱號雲山野客時稱白雲先生

澹巖

雲山野客家在浯溪乘風而來泛月而歸沅湘耆舊傳

宋詩四十一

三

宋詩紀事補遺卷四十一終

男內閣中書樹屏校

宋詩紀事補遺卷之四十二

歸安陸心源伯剛父輯

滕岑厲有

慈照院

平生不踏南新路早歲已誦東坡詩青牛孽僧今不見慈照仍有那律師君不見世間萬事皆兒戲不如盲聾百不知雙明閣上夕陽時一笑二子聞爭棋新城志

林茲

瑞安人紹興五年進士洪州教授

朱詩四十二  
遊鳴山

杏花舞徑亂紅雨麥浪漲空搖翠烟十里清風尋小寺快船如馬水如天

溫州府志山川

觀潮閣

江山不受範偃蹇散莫收領略得要會聚此百尺麾  
色明千峯斜陽帶歸舟堪洗北客塵似脫南冠囚  
二子倚秋晚岸巾送明眸杯寒風景切句落雲烟愁  
況我江海人二頃亦易秋百年鷗盟在脫幘行當休

瑞安志

廖顥

字季印連州人紹興五年進士厯官知化州陞  
廣南東路提舉茶鹽淳熙初改廣西路提刑

虎跑泉

眞馭遺蹤古寒泉瀉石清養源人莫測流潤濟蒼生  
遊七星巖

斗峯遙憶舊崧臺爲勸農耕特地來短李高名光翠  
壁爲劉陳迹沒蒼苔洞天日永風埃淨巖壑雲收聲  
色開好景最宜供宴賞操觚欲賦媿非才以上粵詩菟逸

王賓

會稽人紹興五年進士

淨聖庵

築道巖前沙路平  
淡烟和月照人行  
林端仙館千山合  
石罅靈泉一派清  
蘊藻競嚴朝斗意  
琳瑯惟聽步虛聲  
青春奏罷黃冠睡  
獨有灘雷徹夜鳴

福甯府志

邵絳年

蜀入將仕郎

紹興五年正月知嘉州李孜將家往興化寺觀燈觀者填壅寺門石梯高峻孜命從

者跌之士女墜蹬而死者百餘人修職郎劉庠將仕郎邵絳年皆死孜坐獄抵罪繫

錄年要

資州

郡秀誇東蜀山奇數北巖

輿地紀勝

莫柯

紹興五年揚州教授淳熙中石門縣主簿慶元  
二年奉議郎知上元縣

題資福院平綠軒

深林闕嘉趣門徑愜幽居野色通荒阜津流動碧虛  
日邊山隱隱烟外竹疎疎徙倚招雙目白雲知故廬

又

世累苦繁束官閑得自便未賚三隱句聊扣一乘禪  
壯志羞明舊長歌且聖賢每因休沐地思辦買山錢

孫逸

字仲舉紹興六年朝請大夫直徽猷閣知台州  
賞梅佳什旣不得陪從又莫獲少留深以爲  
恨輒賡原韻酬敘

郡務裝懷日晷催東園未覩一枝梅從客後賞輸先  
見汨沒塵勞恨阻陪待雪最宜寒艷坼迎春會有暗  
香來悵然歸棹匆匆去徒使臨風憶共盃

元夕日永再示梅韻佳作過形褒借輒爾繼  
和自茲當絕筆矣

別來無奈歲時催渴想聲猷但指梅六逸溪頭難角逐七賢林下曷追陪忘懷不覺老將至揣分爭如歸

去來況值元宵增感慨十年耳冷聽傾杯

禁漏花深天詞也

台別編

### 李弼

紹興六年國子內舍生進明堂頒授校正御前  
史籍改右宣教郎賜緋魚袋

### 七星山

乘興上東山天風拂壯顏七星連地脈一竅透天關  
元鶴何年去丹爐盡日閒我因壓塵俗到此不知還

廣西通志  
山川畧

范綜

紹興六年石泉軍沿邊安撫使

岳陽

萬里山川寬眼界兩湖風月送天涯雲通巫峽襄王  
夢鵬吊長沙賈誼家

輿地紀勝

鄭諶

字本然天台別編徽宗時寺人中之粗能詩者高宗  
嘗以蘭亭帖賜之

李心傳

蘭亭跋紹興七年四月戊戌

御批武功大夫貴州刺史鄭諶帶御器械翌日

上諭宰臣曰謹除命未須行昨召用徐俯外議  
謂謹所薦朕何嘗容內寺薦人徐俯之召止緣  
洪炎進黃庭堅集有云徐郎或徐甥者後胡直  
孺荐俯自代稱其行義文采過人質之汪藻亦  
以爲然後程俱論俯與謹往還始知外議乃爾  
今謹新命又恐外間紛紛不若與在外宮觀繫  
要錄卷一百一  
徐俯因謹進身東湖集中唱酬甚多  
漁話  
叢  
旋提舉江州太平觀卒

過郭傳師太尉山居

大固擅雄強一峯連紫籬戶牖開上頭可愛不可唾

前山奔馬來一一窗間過無人識故候得趣貪高卧  
不受富貴吞早供香火課槍甲久沉埋詩書真頓挫

兩國正交兵萬民心膽破莫惜功業成更遣聲名大

天台別編

彭 禺

字伯勝崇安人紹興七年爲鄉舉首

答劉子翬句

六龍極北瞻明主三鳳河東愧腐儒

崇安縣志

何驥

厲有

紹興丁巳二月三十日同晏元老馮應禮羅

君瑞遊龍多山訪飛仙遺迹以兩詩書事

世路聳呀赤水過故升天險問龍多書中舊識唐公  
昉圖裏又聞馮蓋羅絳闕迢迢雙鶴下青空杳杳口  
鶯歌一篇跳出孫樵語未應虛皇玉字科

丁令梅仙梁市客穿雲隨我上虛無携持賴有竹都  
尉偃蹇更逢松大夫山積五倉窺石口霞拖九口覓  
丹爐聖泉聞說經湯旱中有龍蟠不用尋金石苑

南樓

武昌形勢鳳凰邊萬里長江落檻前笑殺元規亂天  
下南樓何藉此人傳輿地紀勝

雲頂山

一楠枯再生兩石合無罅

又

張敦頤

字養正婺源人紹興八年進士授南劍州教授累遷宣州倅守舒衡二州致仕著有韓柳文音

注六朝事迹偏類衡陽圖志

清隱院

古寺深山裏高亭萬木叢歸雲度疎牖繡嶺倚晴空  
澗草連階綠岩花照檻紅縱非塵世外無異畫圖中

太平府志

彭舉一作時舉

臨川人紹興八年進士

崇恩寺

紺殿肇何年古雅足幽賞嵌空結寶蓋玲瓏如綺幌  
誠哉運斤手巍然閱今曩丹碧浮霄漢斑剝亦蒼莽  
境界半村郭清淨絕塵壤諦聽萬籟寂時聞松風響  
盛夏此中憩納爽思解網聊以厯三市情想爲一盪

吉安府志

淨居寺

攬勝棲真處山窮徑忽開碧澄丹壑水青疊翠屏苔

嶺樹宜高下溪流當去來聲光畫不得臨此但低徊  
吉安府志

王之望

厲有

白雪樓

白雪樓傾不記秋樓前江水自悠悠多情猶憶湖南  
守一曲陽春白盡頭

輿地紀勝

題王氏秀野堂

樹林陰翳鳥聲繁下有幽人晝掩關五畝邱園傍城  
市一堂花竹帶雲山留連風月真成趣屏遠塵埃雅  
自閑我訪一區無定所卜鄰擬向翠微問

天台別編  
續集五

李燾 廙有

龍鵠山

西山有佳人慣踏山下路晨吟澤畔風午睡巖前雨  
莫使兒輩覺損我巖壑趣

雁湖梅花

鏡面千頃闊修眉一帶橫湖深有龍蟄山靜少人行  
仙與長仙約都忘世俗情鳥啼猿叫歇軒樂有餘清

成都學舍遣興

壯矣府中縣索如城外村墨池今掃迹石筍舊除根  
風急漢絃斷雨多秦鏡昏新秋一懷古情緒若爲論

題南部停雲巖

路轉層岡二里餘武陵傳者亦難如昔年煉藥仙人室今日餐霞道士居洞外蟠桃開錦繡巖前丹溜漱瓊瑤猗與靈氣爲時雨可惜圖經缺不書

龍鵠山房

已作清時鳥亂飛杜鵑更勸阿誰歸似嫌住處猶城郭不解携家隱翠微

眉州屬志

昇元寺

看盡庵前手種松草堂聊復少從容令人却憶騎驢老不悔終身作臥龍

昇元古寺寶靈珠照影東西與眾殊本爲皇仁貢潛  
府豈知今日鎮留都

景定建康志

遊蔡山

巖巒最高頂雲氣時鬱薈彷彿羣仙宅宮闕曜珠貝  
輿地紀勝

長生觀

成家得將軍如越大夫蠡功成拂衣去智囊未扣底

望川亭

潼川遼郭多名寺都在少陵詩句中西上飛亭更奇  
絕水光山色雨無窮

句一

山遶一城城幾寺江連二水送孤舟

又

岑公祠

隋邦危亂誰得免虛鑒真人願獨行道骨仙風今可  
想幽棲巖洞及高明

又

曹績

紹興十年知甯德縣

曹公泉

度嶺汗如濯渴塵生客心清泉隨念應乞與滌煩襟  
甯德志

謝天民

字彥先建安人紹興十年以左承事郎知懲遊  
縣有興起學校之功

贈陳常翁

一經教子足三冬議論孤高有孟公學到內融多樂  
地心無外慕自春風我慚言偃絃歌化君在周公禮  
樂中三百三千煩指示許誰蹊徑一源通仙遊  
縣志

李興

紹興十年知河間府又同谷人咸淳甲戌爲桂

林帥守廣西通志  
金石畧

王笥山

葛峰相對爲文筆蕭水回環當墨池說與晚衙休報  
事長官亭上有新詩

輿地紀勝

洪邁

厲有

剩溪別墅

龍停休憶柳垂堤正喜高風集剩溪流水直隨青嶂  
下孤烟更在白雲西村春接響聲相赴浦樹連雲望  
自迷無限新詩兼有酒可能容我醉時題

樂平縣志

送置制使王剛中帥蜀

上都城外垂楊陌葉葉經霜不堪折春光猶未到梅

花何物當攀送行客路人驚問去者誰高牙大

樂平縣志

光輝君王應念蜀父老故輒侍臣來紫薇明光起草  
文章手却聽元戎報刁斗回首翔鸞一夢中玉簫緩  
送成都酒邙郊九折何足驅慷慨功名真丈夫成都

花錦君莫戀早晚歸覲持鈞樞

樂平縣志

寄題分繡閣

新閣何隆隆經營自茲歲其前山送青其下竹交翠  
景物日夕佳登臨春秋異治中公事暇領客共游憩  
四坐歡相酬壽主珍重意向來蓬瀛上覩此無乃媿  
主稱客意好是事幸且置拄頰飽看山朝來殊爽致

有懷大兄正字

今日思兄弟江東望浙東別離無奈久書札且頻通  
雨濕芭蕉碧風乾薜荔紅何時尊酒共夜語小窗中  
天台別編

陳知柔

厲有

姜公輔墓次鄧經略韻

欲將興廢問洪鈞來謁孤墳獨愴神千載高風餘凜  
凜一池秋水自鱗鱗門前帆影來天際秋杪鐘聲落  
海濱此道寥寥今復振不應漁水是東鄰

福建通志

題石橋

巨石橫空豈偶然萬雷奔壑有飛泉好山雄壓三千  
界幽處常栖五百仙雲際樓臺深夜見雨中鐘鼓聞  
溪傳我來不作聲聞響聊試茶甌一味禪天台  
別編

題洪景伯通判清閩堂

別乘清名滿世間却來堂下植檀欒已無俗物敗人  
意且與此君同歲寒夜月平庭金影碎秋風一枕玉  
聲殘雁行吏退鈴齋靜想見巍冠獨倚闌天台  
別編

天台遊山

煙蘿穿幾重柴車倦驅駕忽尋鐘磬音山腰得僧舍  
主僧聞我來曳杖出相迓揖我生虛閣登臨欠臺榭

老屋數椽餘風物自閑暇古木出雲杪遙岑來竹磳  
下臨一泓水涵光冷相射但能了此生未遽慚大厦  
我本山中人偶失學圃稼爲米聊復留兩同僧過夏  
得舟家可浮過竹宅便借是處皆南山何必東籬下  
悠悠去忘歸甯畏長官罵松月苦留客徘徊度清夜  
明朝過桃溪溪女莫相詫

次海上長亭村

行到山窮處微茫島嶼青百年多逆旅萬事一長亭  
風雨晚潮急魚蝦曉市腥平生誦佳句今見海冥冥

老杜台州地闊海冥冥  
天台別編

許子紹  
厲有

字季紹，歷陽人。監左藏庫時，欲得太常丞時，相抑不用，乃出爲靜江府通判。

留別龍隱巖

矯首初來北斗峯，直穿山腹作玲瓏。  
石間蛻骨痕猶在，淵底藏珠水更通。  
霖雨幾時岩墅去，卧龍底處草廬空。  
眼中要識眞英物，寓迹何勞想下風。  
廣西通志金石

張之才

字公美，崑山人。紹興十二年進士。

廣野軒

城隅荒僻地瀟灑亦清虛雅有林泉樂閒同郊野居  
小園春自好幽逕客來疎不學樊遲稼虞卿喜著書

山東通志藝文

楊邦弼

字良佐建甯浦城人億四世孫至震澤師王蘋因  
家焉紹興十二年舉進士第三時行都初建太  
學以邦弼爲博士踰年通判信州遷大理卿改  
湖南漕遷祕書丞著佐作郎再遷禮部郎以起  
居舍人使金還擢起居郎中書舍人卒

挽王信伯先生

二首

伊洛親聞道淵微賴發揚東吳賢望重西觀舊書  
吾黨將安放斯文豈遂亡堂堂甯復見門士慟新蘭  
梁木俄摧壞吁嗟喪大賢典型看肖子道學付誰傳  
一代風流盡千秋物論先師言猶在耳身敢墜周旋

震澤  
鎮志

王 悅

字習之莆田人紹興十二年進士累官吏部郎

知衢州

大帽山

鶴犬數聲雲一塢春陽桃李渺成蹊

又

瓶穠脫脫風塵表峭壁垂垂日月低

莆田縣志

劉珙

厲有

知稼亭

周公說稼成王師樊遲說稼夫子喚區區農圃焉用學艱難之事惟當知江淮制師周公似取以名亭意如此遙知袖有無逸篇準擬歸時獻天子

景定建康志

李則

字康成龍溪人紹興十二年特奏名進士賀州

桂嶺主簿攝富川縣移鄉郡德化縣轉通直郎

致仕

臨漳臺

亭枕臨漳一水陰半空雲霧鎖寒林山從天寶來  
遠基闢開元歷代深

輿地紀勝

薛珩

字景行興化人一作莆田人紹興十二年進士

厯官廣東湖北憲司檢法官終梅州守

瑞雲潭

一派寒潭闕碧虛閒雲自有卷還舒夜來數仞祥光  
起早去溪頭聽詔書

宋詩拾遺

又見莆田縣志

陳賓

字賓王福建福安人紹興十二年進士累官從

政郎武平令

醒心亭

在楓亭驛

亭以醒心名心與亭何與物各有感通此理貴深喻  
峴山峙豐碑見者皆墮淚推類盡其餘庶表名亭義  
我昨發蒲陽春光正明媚肩輿撼頓間思慮裸勞勸  
行行復行行至此若沾醉振衣躡斯亭四顧足清致  
芳樹播繁陰晴山薦空翠時有幽禽來且無俗駕至  
物我方兩忘情景亦相會天君始泰然萬境絕纖翳

後樂與先憂虛靈良不昧揭扁端在茲夫豈無所試  
尙期知我者他時來作記

見僊遊  
縣志

蔡茲

字光烈永春州人紹興十二年進士仕至南恩  
守秩滿歸築室東偏匾曰燕堂日與賓友觴詠  
其中

燕堂詩

初名燕堂後  
改曰長春

世情日淺道情深悔不林泉早脫簪一世簡編貽後  
葉百年香火奉先心詩緣好句須親錄酒到濃時輒  
倩斟於此更無關意事時携諸幼步花陰

永春  
州志

王伯廣

字師德常熟人紹興十二年進士調湖州德清尉授溫州教授再調常州教授精于詩與張孝祥遊詩筒往復著聽雨集

頂山栗

黃籬抱中實紫苞發外彩寄蹤蜂窠垂藏頭蝟皮隘詎堪鼯鼠竊更復猿猱採心憐使民畏時須徇兒愛荆山破金璞驪珠掩微纓密文自保滋味身乃碎筠籠貢厥珍不在粗梨外羅邉加其儀顧與菱芡對易飽屏膏肉餘功益肝肺懸風當令堅致溼忍使敗

晉地棗非偶宣城蜜嘉配誰知麝香囊可居天下最

寶嚴寺

平湖鏡淨中背貼青峯巒去郭二十里金碧輝波瀾  
是日寶華境萬象鬱以盤壯哉窣堵坡一瞰天地寬  
誰懷墮塵鞅幾欲招飛鸞我生渺何能山水情所安  
扁舟幾來斯不爲開愁端意到自行樂樽酒那追懽  
何時結青蓮超適心外觀塵迹身兩忘浩然天地間

琴川志

吳炯

永興人中復之孫則禮之子紹興十三年樞密

院編修官提舉浙西茶鹽見儀顧堂題跋

贈劉羲仲

束帶眞成屈壯圖甯思飽死歎侏儒便拈手板還丞  
相却覓芒蹊踏故廬少日榮心但黃妳暮年使鬼欠  
青奴他時有客來載酒解道欲眠卿去無

戲蘇叔黨

誰知吾子淡 疏壓倒東坡玉糁羹以上五總志

顏孝子烏墓

人倫風化自孝始我懷義烏顏氏子昔從書傳聞其  
名今來浙東入其里未入里先見路碑高塚巍然雲

樹裏猶有羣鳥繞墓飛或者神鳥長不死啞土傷吻  
土亦赤烏血凝成墓山紫今古人人皆有親負土葬  
者豈獨此如何感召到山禽須就人心推物理生前  
服勞情自苦亡後附身哀靡已天地憫憐鬼神泣無  
知羽族有所使父子瑩域永相依白雲深處精靈起  
風吹草卉卽萊衣溪浮蘋藻爲甘旨千秋萬古此經  
過誰人眼不淚如水

郭知虔

字孟始紹興十三年授迪功郎

秋日憶次張弟

秋風吹落葉獨客異鄉心生計憐吾拙窮愁念汝深  
面經三載隔老惜二毛侵飄泊南飛雁何時返故林  
宋詩拾遺

楊筠

紹興十三年仙居令見嘉定赤城志

題石簾二夫人廟

古簾陰瑣石鄰鄰死骨猶香廟像新世上男兒輕失  
節何顏祠下拜夫人天台集

題水弄山

曲曲溪汎疊疊山稻塍高下路回環曉嫩初射林霏

落一道炊煙紫翠間

天台別編

郭昂

字百二國子監助教江西甯都人紹興十四年

解試

坐黃崗廣福禪房

愛此禪棲靜清涼境自偏詫人拳怪樹留客笑幽蓮  
草煖蛙喧夏林昏鳥夢烟風塵吾未免兀坐愧安禪

宋詩拾遺

吳邁遠

一無遠字

江西臨川人紹興十五年進士

遊廬山觀道士石室

蒙茸眾山裏往來行迹稀尋嶺達仙居道士披雲歸似著周時冠狀披漢時衣安知時代積服古人不衰得我宿昔情知我道無爲九江府志

江溥

字叔源紹興十五年進士除襄陽教授授輯備邊書上于朝擢太府丞厯殿中侍御史前後所上凡八十疏天稟夷雅不妄喜怒而勁正挺特孝宗獨知之登貳臺入謝復面諭曰朕知卿有守不妄造請故特以命卿溥感知遇益明目張膽

無所譖忌直聲獵獵有郡司馬挾魏邸親吏煽  
奸竊柄嘗繕私居矯令役民摧壓死者十三人  
傷者倍之閱月而上不聞溥劾奏請次第議罪  
上覽疏喜曰父子之間人所難言不謂卿能如  
此于是權貴斂迹一時稱爲眞御史子公亮任  
四川提刑清亮有父風

聽雨軒

二蘇當日相思句故揭名軒意可知萱草滿堂長衍  
衍棣華聯萼更怡怡酒傾風雨對床夜夢到池塘覓  
旬時最羨君家好兄弟箇中真樂本無涯開化縣志

盧傳霖

浙江永嘉人紹興十五年進士官宗正丞和州教授

雪

寒鄉只顧春來早曖日寒風盡蕩摩

繁年要錄一百七十

楊

偰厲有

題天台福聖觀瀑布

積雪懸崖照幽谷轟雷破石響空山直疑天上銀河水倒瀉千巖萬壑間

有刻石

天台別號

張孝友

金堂人紹興十五年特奏名賜文學

句

蓋得渭川真面目元知楚國富江山

輿地紀勝

王秘

臨川人紹興十五年進士

橫秋閣

地僻無車馬新涼入醉鄉柳烟翠夕渚蓮露泣秋塘  
懶聽能啼雁閒披古錦囊物華隨處好何必在瀟湘

府志

林

厲有

霞浦人

金臺寺

蒼蘚沿階走細泉青松翠竹照華軒高人倦作金口吼旅客來參玉版禪暖日遲遲宿露微風淡淡逐寒烟茶甌香秘滿團穩始覺林泉思邈然

福寧府志

赴官武康投宿客邸作

巾子山頭一枕風皇華亭下水連空山靈不用回俗

駕儂有田園吾欲東

天台別編

李

庚

厲有

字子長臨海人紹興十五年進士厯官監察御

史兵部郎中知南劍州後知袁州未上卒著有詒癡符見赤城志

題尤使君郡圃十二詩

參雲亭

元公來把麾與民脫水厄當題游息地危亭冠州宅  
梁凍宿寒雲去天纔一握尙餘手種木甘棠思召伯  
台州當大水之餘元章簡公作民居數千區甓城置至今爲利見本傳

雙巖堂

吾州山水窟城郭擁寒綠戢戢羣峯間峙此一雙玉  
相對如佳賓可敬不可瀆空翠撲衣裳夜來雨新沐

玉霄亭

亭亭玉霄峯列仙皆羽化把酒碧桃間吹簫明月下  
嗟我落塵凡鶴背應難跨夫子真癯儒好上班麟駕  
匿峯亭

新亭方半丈羣山之所宗慳吝半窗月劣受一簾風  
傍人笑老子遊戲如兒童亂峯徒頡頏不與汝爭雄  
凝思齋

孫綽遊天台併人以圖至公今身見之情親心更醉  
坐想復行吟商頌得十二寄語范榮期金聲重擲地

梁山堂

青山如避世詎肯詣公府仁人如好賢招邀入庭戶  
桂笏對朝氣卷簾當暮雨

此堂面西

是中有佳趣莫與兒

輩語

清平閣

彼美東堂下方池誰鑿成蕭侯慨不見亦足窺典型  
湛湛魚可數恬恬鷗不驚此心有如水通國號神明

君子堂

文簡爲州時不求赫赫譽

畢文簡公嘗語人曰偉壯  
官無赫赫之譽力自規檢

庶幾寡溫恭君子儒豈弟民父母黃堂能幾年清風  
過爾

藹千古願公踵前修持此相明主

靜鎮堂

海邦本淳古山民亦穎蒙汝不探赤丸我無爲鋸笛熙熙樵與牧靄靄春風中何必師齊相虛堂舍蓋公霞起堂

赤城古洞天形霞照山谷爛爛九光垂餘輝借草木伊予有痼疾企望常不足待與馬鍊師耘芝灌松竹  
節愛堂

吾愛巴揚州夜不然官燭吾愛陽道州日炊米二斛使君美無度力蹈前賢躅宜爾海雲邊十萬戶蒙福駐目亭

更散長廊靜杖藜巾一幅只圖眼界寬不管窮腳力  
野水露微灣寒山出寸碧待拍洪崖肩蓬萊真咫尺

天台別編

同丁致遠司戶游東掖山

不見詩人老鄭虔誰知衣鉢此中傳尙餘傑閣驚人  
句更結今秋未了緣丁相約今秋再游光明閣

與君共飽桑門飯愧我曾非蓮社人若問生公講堂  
事青山門外自橫陳

天台別編

陳致一

紹興十五年以左奉議郎知仙遊縣

普惠院勸農

青麻幪幪近人長 小麥青青大麥黃  
令尹出郊聞好語 春來喜有半年糧

興化府志

宋詩紀事補遺卷四十二終 男內閣中書樹屏校